



Claudii Fleurii Abbatis Historia Ecclesiastica

Ab anno Christi 1561. usque ad annum 1562

Fleury, Claude

August. Vind. [u.a.], 1771

VD18 90118596

§. 20. Alius quidam Cæsar is Oator exceptus.

[urn:nbn:de:hbz:466:1-66624](https://nbn-resolving.de/urn:nbn:de:hbz:466:1-66624)

„sia exortis hæresibus, Regna, & ditio- Sæc. XVI.
„nem suam in orthodoxa fide, Ecclesiæ- A.C. 1562.
„que Catholicæ unitate, uti vere chri-
„stianos Principes decet, semper conser-
„vaverint, atque in barbaris, & idolorum
„cultui deditis nationibus ad veram Re-
„ligionem traducendis strenuam operam
„impenderint: quam ob rem hæc san-
„cta Synodus Deo, & Patri Domini no-
„stri Jesu Christi meritas de his omni-
„bus gratias agit, Dominationemque
„vestram, tum ipsius Regis caussâ, tum
„ob singularem ejus prudentiam, ac san-
„guinis splendorem grato; ac benevolo
„animo recipit: regium vero mandatum,
„quantum de jure debet, admittit.

§. XX.

*Alius quidam Cæsaris Orator
exceptus.*

Die nona Februarii Sigismundus
Thuun, qui Miglizii Pragensis Ar-
chiepiscopi in legatione socius nomine
Ferdinandi Cæsaris pridie Tridentum
delatus erat, in quadam Congregatione
recipiebatur, atque tanquam Legatus
agnoscetur, cuius æque, ac Miglitii
mandata, cum jamjam in quodam Pa-
trum conventu die sexta ejusdem Men-
sis fuerint perlecta, haud ultra recita-
bantur, sed ipsi Legati absque nova pom-
pa fuere excepti: igitur die decima
tertia

Pallav. n. 5.
Labb. l.c.

p. 135.

Sæc. XVI.
A.C. 1562.

tertia Februarii omnibus in primi Legati domo congregatis ambo Cæsaris Oratores, Miglitius, ac Thuunus Ferdinandi Principis sui nomine quædam postulata scripto exhibebant, quapropter Synodi Præsides hac super re datis literis Papam consulere altera die cogebantur, ut ante ultimam Congregacionem, quæ sessioni proximæ præmitteatur, responsum accipere possent: porro hæ Oratorum literæ quinque continebant articulos, quorum summam hoc referimus.

Die 18. Febr.
1562. fusi
in documen
tis datis a
Cæsar. Orat.
I. Jan.
apud Labb.

I. Pontificis Legati, cum haud ignore possint nefanda Protestantium molimina, quibus Synodi celebrationem eludere nituntur, omnem sua consilia exequendi prætextum submovere studeant, atque ideo sedulo devitent hæc verba: *Concilii continuatio*, aut alias eiusmodi voces, quarum nulla fiat mentio in Sessione sequenti, si tamen hos hereticos ad Synodum allicere velint.

II. Examen doctrinæ, atque articulorum fidem concernientium tamdiu, quamdiu poterunt, differant, nec etiam proximam Sessionem die præstituta habeant, cum plurium Principum Oratores nondum advenissent: si vero Patres Sessionem celebrari omnino vellent, nec ea ulterius prorogari valeat, saltem ibi nonnisi negotia generalia,

minus